

# UNIVERSITI TEKNOLOGI MALAYSIA

UTM.J.02.02/10.12/2 Jld. 5 ( 58 )

28 Oktober 2018  
19 Safar 1440

## PEKELILING PENTADBIRAN BIL. 53/2018

### PEMAKAIAN PEKELILING AM KERAJAAN NEGERI JOHOR BIL. 5 TAHUN 2018

Sukacita dimaklumkan bahawa Mesyuarat Jawatankuasa Pengurusan Universiti Bil. 22/2018 bertarikh 18 Oktober 2018 telah bersetuju dengan pemakaian Pekeliling Am Kerajaan Negeri Johor Bil. 5 Tahun 2018 Pakaian Seragam dan Cara Berpakaian Anggota Perkhidmatan Awam Johor berserta pengekalan peraturan berpakaian sedia ada sebagaimana Garis Panduan Etika Pakaian Staf Universiti Teknologi Malaysia (UTM). Pilihan kepada Pakaian Kerja Staf UTM adalah seperti jadual di bawah:


HARI	PAKAIAN LELAKI	PAKAIAN WANITA
Ahad	Baju Korporat / Pakaian Pejabat	Baju Korporat / Baju Kurung Johor dan bertudung / Baju Kurung / Seluar 'slack' dan berkot
Isnin	Pakaian Pejabat	Baju Kurung Johor dan bertudung / Baju Kurung / Seluar 'slack' dan berkot
Selasa	Pakaian Pejabat	Baju Kurung Johor dan bertudung / Baju Kurung / Seluar 'slack' dan berkot
Rabu	Pakaian Pejabat	Baju Kurung Johor dan bertudung / Baju Kurung / Seluar 'slack' dan berkot
Khamis	Baju Melayu Teluk Belanga (Sepersalinan), Bersamping Berdagang Luar, Bersongkok dan Bersepatu / Baju Kebangsaan Lengkap / Baju Batik / Pakaian Pejabat	Baju Kurung Johor dan bertudung / Baju Batik / Baju Kurung / Seluar 'slack' dan berkot

2. Walau bagaimanapun, bagi staf UTM yang mewakili UTM untuk majlis-majlis rasmi anjuran Kerajaan Negeri Johor perlu mengikut tatacara yang telah ditetapkan oleh Kerajaan Negeri Johor atau Pekeliling Am Kerajaan Negeri Johor Bil. 5 Tahun 2018.
3. Staf UTM juga hendaklah mematuhi aturan kerja pakaian persekutuan yang sedang berkuat kuasa ketika menyertai mana-mana aktiviti di peringkat persekutuan.
4. Lain-lain peraturan adalah masih mengguna pakai Pekeliling Pentadbiran Bil. 5/2006 berkaitan Pakaian Kerja Staf UTM sebelum ini.
5. Bersama-sama ini dilampirkan Pekeliling Am Kerajaan Negeri Johor Bil.5/2018 berkaitan Pakaian Seragam dan Cara Berpakaian Anggota Perkhidmatan Awam Johor dan Pekeliling Pentadbiran Bil. 5/2006 berkaitan Pakaian Kerja Staf UTM untuk rujukan semua.
6. Kerjasama daripada semua staf adalah diharapkan untuk mematuhi pekeling pakaian kerja staf UTM ini.

Sekian, terima kasih.

**“Berkhidmat untuk Negara kerana Allah”**

Saya yang menjalankan amanah,



**(ABDUL RAZIB BIN HJ. SHAHUDDIN)**  
Menjalankan Tugas Pendaftar

- s.k. - Naib Canselor
- Timbalan Naib Canselor (Pembangunan)
  - Timbalan Naib Canselor (Penyelidikan dan Inovasi)
  - Timbalan Naib Canselor (Akademik dan Antarabangsa)
  - Timbalan Naib Canselor (Hal Ehwal Pelajar)
  - Pro-Naib Canselor (Kampus UTM Kuala Lumpur)
  - Pengarah Pusat Penyelidikan-Kampus Pagoh
  - Pegawai-pegawai Kanan/Dekan/Pengarah



**PEJABAT SETIAUSAHA KERAJAAN JOHOR**

Aras 3, Bangunan Dato' Jaafar Muhammad, Kota Iskandar,  
79503 Iskandar Puteri, Johor

Telefon: 07-266 6116/07-290 8222 Faks: 07-290 8111/07-290 9888

Website: www.johor.gov.my/sukj Email: sukjkorporat@johor.gov.my



ستياوسها كراجان جوهر  
**SETIAUSAHA KERAJAAN JOHOR**

*Sila nyatakan rujukan bilangan kami  
apabila menjawab.*

Rujukan Kami : SUKJ.BKP.100-1/7/1 Jld. 2 ( )

Tarikh : 27 September 2018

Semua Ketua Jabatan Negeri dan Persekutuan

Semua Pegawai Daerah

Semua Badan-Badan Berkanun

Semua Pihak Berkuasa Tempatan Negeri Johor

Yang Berhormat Dato' / YBhg. Datuk / YBM Tunku / Tuan / Puan,

**PEKELILING AM KERAJAAN NEGERI JOHOR BIL. 5 TAHUN 2018**

**PAKAIAN SERAGAM DAN CARA BERPAKAIAN BAGI ANGGOTA PERKHIDMATAN AWAM  
JOHOR**

Dengan segala hormatnya, perkara di atas adalah dirujuk.

- ... 2. Dimaklumkan bahawa Majlis Mesyuarat Kerajaan (MMK) Johor pada mesyuaratnya bertarikh 5 September 2018 sebagaimana Ringkasan Mesyuarat Bil. 1185/2018 bersetuju **Pakaian Seragam dan Cara Berpakaian bagi Anggota Perkhidmatan Awam Johor** adalah sebagaimana 'Lampiran A'.
3. Majlis Mesyuarat Kerajaan (MMK) Johor juga **bersetuju** Pekeliling Pindaan Hari Pemakaian Batik Malaysia melalui surat Bil. (15) dalam SUKJ 99/7 bertarikh 20 Disember 2013 adalah dibatalkan.
4. Sehubungan itu, dipohon kerjasama Yang Berhormat Dato' / YBhg. Datuk / YBM Tunku / Tuan / Puan dapat mengambil tindakan di atas pelaksanaan tersebut.

Sekian, terima kasih.

**" BERKHIDMAT UNTUK NEGARA "**

**(DATO' HAJI AZMI BIN ROHANI)**

Setiausaha Kerajaan Johor

**PEKELILING PAKAIAN SERAGAM DAN CARA BERPAKAIAN BAGI ANGGOTA  
PERKHIDMATAN AWAM NEGERI JOHOR**

**1. ATURAN PAKAIAN BAGI PENJAWAT AWAM NEGERI JOHOR**

- 1.1. Berikut adalah pakaian bagi Penjawat Awam Negeri Johor untuk tempoh lima (5) hari bekerja:

HARI	PAKAIAN LELAKI	PAKAIAN WANITA
Ahad	Baju Korporat	Baju Korporat / Baju Kurung Johor dan bertudung
Isnin	Pakaian Pejabat	Baju Kurung Johor dan bertudung
Selasa	Pakaian Pejabat	Baju Kurung Johor dan bertudung
Rabu	Pakaian Pejabat	Baju Kurung Johor dan bertudung
Khamis	Baju Melayu Teluk Belanga (Sepersalinan), Bersamping Berdagang Luar, Bersongkok dan Bersepatu	Baju Kurung dan Bertudung

- 1.2. Etika Pakaian Baju Korporat hendaklah seragam dengan kedudukan Jata Johor berada di bahagian utama kiri baju korporat. Turut diberi keutamaan adalah logo jabatan atau logo-logo kedua berada di bahagian utama kanan baju korporat.
- 1.3. Ketua Jabatan adalah bertanggungjawab untuk memanjangkan keputusan ini kepada semua anggota di bawah seliaannya serta memastikan supaya arahan ini dipatuhi sewajarnya.

## **2. PENGECUALIAN**

- 2.1. Aturan pakaian ini tidak terpakai kepada pegawai awam yang dibekalkan dengan pakaian seragam, pegawai yang menghadiri acara-acara rasmi seperti persidangan-persidangan antarabangsa, perjumpaan dengan pelawat-pelawat asing atau yang menghadiri istiadat atau majlis rasmi yang telah menetapkan pemakaian mengikut jenisnya.
- 2.2. Pengecualian juga diberi kepada pegawai awam yang sedang menerima rawatan atau telah diberi nasihat doktor perubatan kerajaan berhubung pakaian yang sesuai untuk ke tempat bertugas.

## **3. TARIKH KUATKUASA**

- 3.1. Pekeliling Pakaian Seragam dan Cara Berpakaian Bagi Anggota Perkhidmatan Awam Johor akan berkuatkuasa mulai tarikh ianya dikeluarkan.

## **4. PEMAKAIAN PEKELILING**

- 4.1. Peruntukan Pekeliling ini dipanjangkan kepada Perkhidmatan Awam Negeri, Perkhidmatan Awam Persekutuan di Negeri Johor, Pihak Berkuasa Berkanun (Persekutuan dan Negeri) dan Pihak Berkuasa Tempatan.

**"BERKHIDMAT UNTUK NEGARA"**



**(DATO' HAJI AZMI BIN ROHANI)**  
Setiausaha Kerajaan Johor

Tarikh : **27** September 2018